



PAMFLET

1116









Warachtighe  
**Verclaringhe / in**  
wat manieren de dzy Ambassa-  
deurs des Coninc van Barbaryen  
by hare Ma. van Enghelandt zijn  
ygeromen / ende audientie heb-  
ben becreghen.

Welcke Ambassadeurs mede ghebracht heb-  
ben neghen Christen Slaven / zijnde Neder-  
landers / die in Barbarijen ghevanghen zijn  
gheweest / ende op t'versoek van den Agens  
der E. Heeren Staten Generael aen de Co.  
van Enghelant / zijn door intercessie van ha-  
re M<sup>r</sup>. los ende by ghelaten.



Ghedrukt int Jaer ons Heeren  
M. CCCCCC.

1116

5





## Tot den Leser.

**E**rsame goetwillighe Leser/ nademael he  
voor eenen pegelijcken in Christenriick wel  
kennelijc is wat natie de Barbarische men  
schen zijn/ ende hoe sy met ons Christenen alcijs  
ghehandelt hebben wanneer sy die hebben con  
nen becomen/ soo en twijfele ick niet ofc ghy en  
sult niet gheen cleyne verwonderinghe dit tegen  
woordighe discours lesen/ in het welcke u wordt  
condt ghedaen hoe dat haren Coninck in Am  
bassaetschap heeft ghesonden dy Ghesanten aen  
hare Majesteit van Enghelandt/ wt wat oor  
sake het sy/ sulcx sal den tijt voortbrenghe/ vnu  
mers is dit ons een aengename tijdinge/ dat wy  
hoopen dat sy aliantie begheeren te houden met  
onse nabueren Princen/ wt het welcke niet alle  
ne ghevolcht is het ontslach van neghen ghe  
vangen Christenen van onser Natie/ maer noch  
te verhoppen staet dat Godt eenmael haerlieder  
ooghen tot kennisse van syn Woort sal openen/  
het welcke Godt wil gheschieden laten tot  
grootmakinghe ende prijs van sijnen heplighen  
name/ Amen.



**Mogende/ Edele/ Ertfeste/ Wij-**  
**se/ ende seer discrete Heeren.**

**I**n Heeren/ Ick ontfinc op maendage  
leste den uwe Ho. E. leste de pesche vanden  
xviij. deser/ met byleven aen hare M<sup>r</sup>. En-  
de sondt mijnen Dienaer sander daechs om  
audientie/ Doch op den selue tijt so hy naer Thof ge-  
gaen was/ So liet ick my den Secretaris Dr. Rob.  
Cicil (by spnē brief) wetē/ Dat hare M<sup>r</sup>. des ander-  
daechs/ te weten/ Swoonsdaechs/ v Ambassadeurs  
van Barbarijen (ale hier over eenige daghen aenge-  
comen waren) au- sentte soude gheven / Ende dat sy  
begeerbe dat ick my oock te Houe soude vinden/ door  
dien sy verstaen hadde dat de hoozsz Ambassadeurs  
haer meenden te presenteren negen Christene Slave/  
waer hooz sy/ door mijn versoec / geintercedeert had-  
de/ dat sy daeromme oock de selue daernaer aen my  
meende over te leveren/ Mijnen Dienaer brocht my  
oock genoegh deselve antwoorde/ segghende dat hem  
den grooten Camerlinck gheseyt hadde/ dat ick daer  
broech moeste wesen/ door dien hare M<sup>r</sup>. met my be-  
geerde te spreken eer sy de hoozsz Ambassadeurs au-  
dientie soude geven. Dien volgende/ so ging ick ic s'an-  
derdaechs snoenens metten hoozsz Heere Secretaris  
Cicil eten/ ende ben met hem nae den eten opgegaen/  
Doch niet eer by hare M<sup>r</sup>. gecomē/ dan een weplich  
hant te bozen/ so de hoozsz Ambassadeurs by haer ge-  
brocht werden. De hoozsz Ambassadeurs so sy te Ho-  
be qua-



he quamen/werdē eerst inde Camer banden Gaet ge-  
lept by diuersche Edelluydē daer toe geappointeert/  
Daernaer werden sy wt de Gaets Camer ghehaelt  
byden grooten Admirael/ende grooten Camerlinck/  
Ende also dooz de Camer van presentie/ende een an-  
der Camer daernaer/ In een groote Galderije ghe-  
brocht in presentie van hare Mr. die int oppereynde  
bande voorsz Galderije sadt seer triumphant in een  
Coninclijcken Thoon/ wel van ses trappen hooge/  
Ende was hare Mr. met soo veel Juweelen ende ge-  
steenten verciert/dat het voorsz waer wonder was om  
sien/ Oec so sy myp selve daer seiden/ so en waret niet  
mogelijck dat sy haer selven soude hebben connen co-  
stelicker doen toebereyden / al hadde sy moeten den  
Keysers ontfanghen/ Men d'een syde vande Galderije  
stonden alle de Heeren van hare Gade/met veel Gra-  
ven ende Baenderheeren/Veghene die vande Order  
vande Gartiēre waren/hadden om den hals de keten  
vande Order/een peghelijc om rijcxst toebereypt/Soo  
oock toegedaen waren de groote Madamen die aen  
d'ander syde vande Galderije stonden recht over de  
voorsz Heeren vanden Gade. Doen d'Ambassadeurs  
inde Galderije traden in getale van drie/met haer lie-  
der Truchemen/d'een achter d'andere/elck met een  
groot Heere geaccompagneert/buychden het hooft  
nederwaerts/slaende met de rechter hant op de borst/  
Ende soo comende tot int middel vande voorsz Gal-  
derije/deden wederomme deselbe reberentie/maer  
doen sy voorsz hare Mr. quamen/buychden henlieden  
met een knye tot inde grondt/rakende mette rechte  
handt d'aerde / die sy daer naer kusten (te weten/ de  
hant daer sy d'aerde mede gheraeckt hadden.) Hare  
Mr. stont oock op so haest splupden by haer quamen/  
ende splupden blybende voorsz de voer vande trappen/  
spraken



spraken hare **M<sup>r</sup>**. toe! (dooz den Interp<sup>r</sup>iteur) int  
Spaensche/ ende waren in effecte (so ic die conde ver-  
staen) veel complimentos / ende int generale groote  
toebiedinge van wegen haerlieder Coninck van alle  
eere/ dienst/ ende goede gunste/ Oock sepden sy dat  
onder andere/ so haerlieder Coninck hare **M<sup>r</sup>**. bzie-  
ben onlanck ontfanghen hadde in faueur van eenige  
Christene ghevanghenen/ dat hy terstont henlieden  
de boepen vande beenen hadde doen doen/ selfs blij-  
de gheweest zijnde dat hy in dese ghelegentheyt (doen  
hy alrede geresolbeert hadde eenige Ambassadeurs  
aen hare **M<sup>r</sup>**. te senden) haer oock hadde moghen de  
booschzeben ghevanghenen booz een present toesen-  
den/ ende al wast so dat hy tselfde van gheen groote  
impozantie en achte/ nochtans wilde verhoppen dat  
hare **M<sup>r</sup>**. dooz dese demonstratie soude willen geloo-  
ben/ dat hy haer in grooter saken soude willen be-  
haghen/ so sy van wegghen haerlieder Coninck haer  
presenteerden alles wat in syn vermoghen mochte  
wesen. Hare **M<sup>r</sup>**. heeft henlieden ten hoochsten daer  
bozen bedanckt/ ende ghesept dat sy tselve punct soo  
seer diere estimeerde/ als eenich ander dat haer den  
Coninck soude hebben connen senden. Ende soo de  
booschzeben neghen ghevanghenen waren inne doen  
comen/ ende booz haer opde knipen ligghende/ dede  
my oock hy haer comen/ my segghende wat present  
sy ontfanghen hadde/ Ende daermede d'Ambassa-  
deurs toesprekende/ sepden henlieden/ Dat ic was den  
genen die hier hy haer resideerde van wegen de Sta-  
ten vande Nederlanden/ hare goede vanden/ Dat de  
ghevanghenen oock van onse Natie waren/ en daer-  
omme verclaerde/ soo sy die van henlieden met d'eem  
handt ontfanghen hadde/ soo haddese my de selve  
boozde booschzeben Heeren Staten met d'ander  
hand



Dant wel willen gheben/ Sprack' oock de gheban-  
nen int Francops toe/ ende gaf henlieden seer beleef-  
be woorden/ begheerde oock dat icks henlieden int  
Duysche soude translateren. Ick hebbe hare M.  
de behoorlijcke bedankinghe ghedaen/ ende haer ge-  
sept/ dat dese arme ghebanghenen eeuwelijck hoop-  
haer prosperiteyt souden bidden / Dat die Christe-  
lijck werck hoop eeuwich in hare Majesteit/ ende ha-  
re posteriteyt souden schijnen/ ende in vermeerderinge  
van haer glorie was / dat selfs dese Barbare Natie  
kan soo verre aen haer (die een Christen Princesse  
was) hadden willen comen/ hier door als haer hom-  
maige bewijzen/ haer segghende oock dat ick niet en  
soude naerlaten uwe M. C. van alles goet rapport  
te doen. Daer naer hebben de boorschreven Ambas-  
sadeurs begeert met hare M. alleen te communice-  
ren/ Soo dat sy terstont al dat inde Salderijc was  
heest doen vertrecken tot genoech int midden bande  
selve/ ende soo verre / tot men wt het ghehoor was/  
Doch soo hare Majesteit my oock sach vertrecken/  
riep my noch toe/ ende seide dat sy met my noch be-  
gheerde te spreken / naer dien sy met dese Ambassa-  
deurs ghedaen soude hebben/ die daer na het dan an-  
derhalf ure met hare Majesteit alleene comuniqueer-  
den ende confereerden/ want soo haerlieder interpre-  
teur oock Italiaens conde spreken/ soo en hielt hare  
Majesteit gheen ander interpreteur by haer / want  
eerst hadde sy henliede doe antwoorde int Spaensch  
door een van haer Edelluyden/ Soo dat sy daer nae  
haerlieder selve int Italiaens toesprak. Naer dien  
van dese Ambassadeurs by hare Majesteit tot na de  
hier uren inden achternoene waren/ zijn mer groots  
beleeftheit van haer gescheyden/ Ende wederomme  
byde ghene diese opbrochte / nedergelept / ende ter-  
stont



stondt op hare Coetsen gheseten/ ende naer Londen  
ghetrocken. Ende so hare Majestept ghenoech ver-  
moeyt was / heeft my byden Secretaris den Heere  
Cicill doen segghen / dat sy seer vermoeyt was / dat  
sy nochtans van dien about met my begeerde te spre-  
ken/ na dien speen ure gherust soude hebben. Ick ben  
dienholgende inde Camer vanden hoozschreben Hee-  
re Secretaris vertrocken/ daer hare Majestept my  
cozys daer naer byden Heere Killegre Edelman van  
haer Camer/ dede halen/ ende hebbe haer also uwe  
Mo. E. byleven ghepresenteert/ die sy oock selve ge-  
lesen heeft/ ende my verclaert dat de selve haer seer  
wel gecontenteert hebben/ en dat sy (op uwe E. versee-  
kerheyt) haer wel gherust wilde houden. Hare Ma-  
jesteyt vermaende oock wat van dese Ambassadeurs daer-  
mede sy den namisdach ghehandelt hadde: Doch die  
sake aengaende sal studeren daer naer noch byeeder  
te vernemen/ omme uwe E. van alles oock naerder  
te enderrichten.

De cleedinge van dese Ambassadeurs is seer sim-  
pel/ maer van Laken ende linnen/ lanc tot inder aers-  
den/ Sy hebben aen t'hoofst gewondé sijn Lijnwaet  
twee oft dry dobbel/ ghelyck nachtdoecken die sy als  
tyts aen t'hoofst houden/ hebben oock Lijnwaet dat  
comt van onder tot boven haerliedder kin / Somme  
d'Engghelschen seydén dat sy ghewonden waren ghe-  
lyck hiet haerliedder oude vrouwen inde Provintie  
van Kent. Haerliedder caleur is gheheel geluwe ende  
basane ghelyck halve moozen / haerliedder interpre-  
teur hadde een ander soorte van een rock aen / ende  
was (nae mijn insien) van goude Laken. Hare Ma-  
jesteyt heeftse in Londen by een Alderman doen loge-  
ren/ daer syse oock doet deffroperen: maer also haer-  
liedder cost seer vzeem is / oock anders gheen vleesch  
en eten



en eten dan dat sy selve sien dooden/ende anders gee  
branch dan dat sy selve van water met eenighe spe  
serije maken/ so en sal haer lieder deffrop niet seer co  
stelijck vallen. Dus vele hebbe ic uwe Mo. E. we  
willen laten weten / want soo hare Majestejt uw  
E. alsdoen in mijn persoon ten hoochsten vooz alle di  
werelt een groote eere heeft bewesen/ Soo hebbe ich  
doch dit Belaes wat langher moeten maken / niet  
twijfelende of ten sal henlieden nochtang wel danc  
kelijck wesen. Hier mede/etc.

Mogende/ Edele/ Erntfeste/Wijse/ende seer Dis  
crete Heeren/ sal Godt bidden uwe Mo. E. in vooz  
spoedighe regieringhe langhe te willen laten conti  
nueren. Van Clappam den 23. Augusti Anno 1600  
ouden stijl.

Den al uwe Mo. E. ootmoedigh  
ende Ghetrouwe Dienaer.

*Noel de Carem.*





